



Inatsisartunut ilaasortaq Mariane Paviasen, Inuit Ataqtigiit

Nalunaq pillugu § 37 naapertorlugu apeqquteqaammut nr. 179-2020-mut akissut

04-11-2020
Suliap nr. 2020 - 22051

Inatsisartut suleriaasianni § 37, imm. 1 naapertorlugu Nalunami kuultisiorfik tassanngaaniillu Kalaallit Nunaata isertitai pillugit apeqqutit matuma kingulianiittut Naalakkersuisunut saqqummiuppatit, taakkualu matumani akissuteqarfigineqarput.

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

1. Aatsitassarsiorfik Nalunaq ullumikkumut qanoq annertutigisumik nunatsinnut aningaasanik isaatitsissutaava?

Akissut: Kuulte qarfik Nalunaq ullumikkut tunisassiorfigineqanngilaq, taamaattumillu isertitaqarfigineqarani. Tunisassiorneq 2013-imi unippoq. 2015-imi akuersissut ingerlatseqatigiiffimmut Nalunaq A/S-mut tunniunneqarpoq. 2015-imiilli Nalunaq A/S sumiiffimmi kuultinik annertunerusunik nassaarniarnissaq siunertaralugu sumiiffimmi misissuivoq.

2. Nalunamiit Guld-i qanoq annertutigisooq anninneqarsimanersoq sumi nalunaarsorneqarsimava?

Akissut: Avammut anninneqartut maannakkut pisinnaatitsissummik pigisaqartup Nalunaq A/S-ip ingerlassimasai tamaasa Aatsitassanut Aqutsisoqarfiup nalunaarsorpai. Nalunaq A/S nunanut allanut taakkuninnga misileraanissamut taamaallaat avammut annissivoq.

Kuulte qarfik 2003-imiit 2013-mut ingerlanneqarmat kuulti akoqanngitsoq katillugu 10,66 tons tunisassiarineqarpoq.

3. Suliffeqarfiit assigiinngitsut nalunamik piginnittuusarsimasut qanoq isertitaqarsimaneri ilisimaneqarpat?

Akissut: Nalunaq Gold Mine A/S piffissami 2002-miit 2010-mut katillugit 1.180 mio. koruuninik kaaviiartitaqarluni nalunaaruteqarpoq.

Angel Mining (Gold) A/S piffissami 2009-imiit 2014-imut katillugit 191 mio. koruuninik kaaviiartitaqarluni nalunaaruteqarpoq.

Nalunaq A/S paaalluni aallartissimanngilaq, taamaalillunilu kaaviiartitaqarani.

4. Isertitarisimasaat ilisimaneqarpata qanoq annertutigisumik isertitaqarsimappat?

Akissut: Nalunaq Gold Mine A/S piffissami 2002-imiit 2010-imut katillugit 432 mio. koruuninik amigartooruteqarluni nalunaaruteqarpoq.

Angel Mining (Gold) A/S piffissami 2009-imiit 2014-imut katillugit 8,6 mio. koruuninik amigartooruteqarluni nalunaaruteqarpoq.

5. Isertitaat ilisimaneqanngippata tamanna sumik peqquteqarpa?

Akissut: Apeqquummut 3-mut akissut innersuussutigineqarpoq.

Inussiarnersumik inuulluaqqusillunga



Jens-Frederik Nielsen